

I. N. 7.

DISSERTATIONIS PHILOSOPHICÆ,  
DE

L U X U ,  
BONORUM MORUM  
CORRUPTORE ,

PARTEM PRIOREM ,

*Consens. Ampl. Facult. Phil. in Reg. Acad. Aboënsi,*

PRÆSIDE

MAG. JOHANNE  
B I L M A R K ,

HISTOR. & PHIL. PRACT. PROF. REG. & ORD.

*Publice examinandam sifit*

DANIEL WIJNQUIST ,

WIBURGENSIS.

Die X. DECEMB. Anni MDCCCLXIII.

L. H. Q. A. M. C.

A B O Æ ,

Impressit JOH. CHRISTOPH. FRENCKELL.

Kongl. Maj:ts  
Tro-Tjenare och Capitaine  
Vid Tavastehus-Läns Regimente,  
Samt Riddare af Kongl. Svärds-orden,  
*Välborne HERREN,*

## Herr JACOB BÖISMAN.

Kongl. Maj:ts  
Tro-Tjenare och Lieutenant  
Vid Kongl. Lif-Regemente Dragoner,  
*Välädle HERREN,*

## Herr NILS LUND.

### MINE HÖG-GUNSTIGE GYNNARE.

**U**tan.  
Handlas. Uti. Detta.  
Om. Pragts. Och. Öfverflödighets.  
Utan. Prun-  
Smickrande. Själars.  
Upoffras. Förstlingen. Af.  
Åt  
Mine. Välgjernings-Män.  
Til. Et. Mera. Beständigt.  
Af. Den. Re-  
Hvarmed. Til. Bleka.  
MINE.  
Ödmiukaste,  
DANIEL.

Kongl. Majts  
Tro-Tjenare och Directeur  
Öfver Saltpetter-sjuderierne  
Uti Nylands, Tavastehus, Savolax och Carelns-Läner,  
*Högädle HERREN,*

## Herr ABRAH. ARGILLANDER.

Vice-Pastoren och Communistren  
Uti Cuopio Församling,  
*Välärevördige och Höglärde,*

## Herr ZACH. ARGILLANDER.

Vice-Inspectoren,  
*Högaktad,*

## Herr PETTER G. ARGILLANDER. MINE KÅRASTE MODERBRÖDER.

Pragt.

Snille-Prof.

Skad-liga. Värkan. På. Goda. Seder,  
kande. Ord.

Vanliga. Kännemärken.

Mina. Academiska. Arbeten.

Eder.

Och. Gunstige. Moderbröder.

An. Lysande. Vedermäle,  
na. Vördnad.

Stoftet. Framhärdar.

HERRARS.

Tienare.

WIJNQUIST.

A MONSIEUR  
L'AUTEUR.

Je crois, pour Vous donner ouvertement des preuves de l'amitié qui regne entre nous, devoir saisir le jour, où les brillans éclairs de Votre Esprit, rehaussant Votre merite, Vous couvriront de louanges, toutefois persuadé que Vous ne Vous attendez pas à recevoir de moi tous les éloges que mérite la vivacité du génie qui se decouvre dans Votre Dissertation. Je me contenterai de Vous dire que, si jamais Moraliste prouva aussi bien que Vous l'avez fait, que le Luxe provoque au dérèglement & à la dépravation des mœurs, ce n'a sûrement point été par des arguments plus brefs ni plus solides.

C'est ce que Vous assure, en combattant Votre peu d'amour-propre, celui qui est avec autant de sincérité que de cordialité

MONSIEUR

à Åbo le 29  
Novembre, 1763.

Votre très obéissant  
Serviteur,  
S. N. HEURLIN.



## D. D.

*Prima peregrinos obscena pecunia mores  
Intulit, & turpi fregerunt secula luxu  
Divitiae molles - - - - JUVENALIS.*

## §. I.



Prodit in theatrum hujus orbis homo, ceterorum animalium Princeps, sed tot undique pressus molestiis, tantisque itipatus ærumnis, quot quantasque brutorum animantium suboles plerumque ignorant. Nudus in nuda humo die natali abjicitur, inermis, imbecillis, neque ingredi sciens nec fari aut vesci, priusquam rite vivere incipiat; protinus igitur moriturus, nisi obstetricum adsit adsidua nutritumque circa illum sollicitudo. Minuuntur quidem sensim hæc incommoda, prout corpori majus indies accedit robur,

A

nec

nec non ratio suam exserere incipit vim; quamdiu autem in segregi vivit familia & sibi ipsi relinquitur, pleraque vitae commodioris instrumenta desiderat. Ne tamen his malorum molibus penitus succumberet, fatiscenti mortalium generi &, quorsum sese vertet, ignorant Summus rerum Arbiter pro ea, qua nostræ & conservationi & sustentationi invigilat, cura, vehementem societatis cupiditatem ingeneravit (*a*); in qua alter alteri adjutrices velut manus e naturali emergendi miseria porrigit. Per necessariam quoque hanc copulam facta est communio quædam bonorum ad victimum & amictum pertinentium; immo quæ subtilater excogitata vel affabre elaborata fuerunt, in medium sunt prolata, atque industria cuiuslibet adcurata aliorum solertia, velut ferrum cote acuitur, admodum fuit promota. Magnum quidem hoc adjumentum, quod ex sociatis operibus, contiguis domiciliis atque rerum per mutatione genus nostrum percepit; idem vero valde auctum tuit, introductis imperiis, tranquillitatis publicæ fulcris, quibus singulorum voluntates atque vires ita fuerunt unitæ, ut maleficiorum lacessendi pruritum minus extimescerent probi. Sicut autem initia quorumlibet institutorum tenuia sunt, nec quam præstant utilitatem, statim produnt; ita minime est putandum, primos mortalium, qui in societates concesserint, perquam commodam degisse vitam, sed

(*a*) Hinc CICERO Offic. Libr. I. Cap. IV. pag. m. 114.  
Eadem natura vi rationis hominem conciliat homini & ad orationis & ad vitæ societatem.

sed in magno posuisse lucro, si ab aliorum injuriis modo immunes essent. Hactenus igitur suo quisque agello contentus, propensam sibi Cererem prædicabat, si sudore atque indefesso studio tantam colligere posset messem, quanta sui suorumque sustentationi sufficeret. Hæc vero quantitas, quam usus vitæ necessario requirit, Unitatem Physicam appellare licet, quippe quæ cum unitate Arithmetica hanc habet convenientiam, ut, quemadmodum hac sublata nullus superest integer numerus; ita quoque illa remora, cum hominis vita æcum est conclamatumque. Porro quamdiu singuli cives unitatem solummodo Physicam possidere concipiuntur, aut etiam quamdiu inter illos obtinet bonorum æqualitas, nullus omnino locus luxui conceditur (*b*). Atque hæc ferme fuit in initio civitatum facies. Enimvero prout tranquillitas magis magisque inter mortales increvit, artes simul, blandæ illæ pacis & felicitatis publicæ filiæ, capita sensim extulerunt; unde factum est, ut qui ceteris magis essent industrii, plures sibi acquirerent unitates Physicas, id.

A 2

que

(*b*) Egregie igitur, ut solet, Illustris MONTESQIEU: Le Luxe est toujours en proportion avec l' inegalité des Fortunes. Si dans un Etat, les richesses sont également partagées, il n' y aura point de Luxe. Voy. *L' Esprit des Lixx Tom. I. p. m. 162.* Quare etjam LYCURGUS Iuxum-e civitate Spartana & modum eundem introducendi sublatus, æquales bonorum portiones civibus distribuit, publica instituit prandia, nec non artes quaslibet manuarias procul facessere jussit.

que partim proventus quoslibet & redditus suos solerter augendo, partim quoque portionem quandam bonorum alienorum vel præstata opera vel alio quo deum cunque modo sibi vindicando. Qui binas ejusmodi unitates sibi comparare valet, primitias commodatum experiri potest: & quo plures possidet unitates, eo amplior ipsi præbetur occasio suas augendi commoditates. Atque sicut experientia affatim docet, quod multi mortalium in divitiarum possessione eximium quoddam oblectamentum & summam pæne felicitatem inveniant; ita quoque fieri potest, ut quidam in civitate tot sibi acquirant unitates physicas, ut ceteri partim coinmodioris vitæ præsidiis destituantur, partim etiam ad squalidam redigantur miseriam (c). Quod his opulentia competit, nemo est, qui dubitat; an vero luxus etiam eisdem sit tribuendus, ex priori, ut dici sivevit, determinari omnino nequit.

## §. II.

Nullum ferme est vocabulum, quod in omnium ore magis hodie versatur, aut quo multi adeo indignantur, quam luxus. Si tamen a plerisque quæras, quid

(c) Adeo supra reliquos cives opibus eminent nobiles Polonici, vid. de MONTESQUIEU *Libr. 5 Tom. cit. pag. m.* 29. adde etiam p. 163. ubi sic differit: En Pologne les fortunes font d'une inégalité extrême; mais la pauvreté du total empêche qu' il n'y ait autant de Luxe, que dans un état plus riche,

quid tandem sit luxus, aut in quo consistat, vel obmutescunt plane, vel inadæquatam solummodo hujus notionem nobis tradunt. Plerique auctores, qui de moralitate luxus aliquid litteris consignarunt, prætermissa hujus definitione tanquam notissima, commoda atque incommoda ejusdem prolixè exposuerunt. Sunt tamen quidam, qui per luxum intelligunt quælibet vitæ cultioris atque commodioris præsidia (a). Sunt alii rursus, qui hoc vocabulo significant exquisitum quendam gustum rerum, ad vitæ decus atque jucunditatem pertinentium (b). Quamvis autem veteres Auctores tam Græci quam Latini luxum non definiverint, quisque tamen opera illorum oculo non fugitivo perlustrans, facile animadvertisit, quod communis opinioni & loquendi usui sese magis attempe-

A 3

rave-

(a) Quare Illustris MONTESQUIEU: Le Luxe n' est fondé que sur les commodités, qu' on se donne par le travail des autres. Vid. *Libr. 5 Tom. citat. p. m. 162.* Huic pollicem premit Auctor libri: *Essai de Politique & de Morale calculée Tom. I. pag. m. 10:* Le mot de luxe n'étant pas encore attaché à une idée fixe, je m' en servirai désormais pour exprimer l'Aifance, & les degrés de Luxe signifieront les degrés d'aifance. Paulo aliter illum definit MELON dans son *Essai Politique sur le commerce:* Le luxe est une somptuosité extraordinaire que donnent les richesses & la sécurité d'un Gouvernement. (b) On entend en general par le luxe un certain rafinement dans les plaisirs des sens, & chaque degré peut en être innocent ou blâmable selon les tems, les lieux & la condition des personnes. Vid. *Discours Politiques de David HUME Tom. I. p. m. 26.*

raverint, nec per luxum intellexerint quemlibet vitæ cultum; atque elegantiam. Nos igitur per Luxum intelligimus frequentiorem usum atque maiorem copiam rerum ad vitæ nostræ elegantiam pertinentium, quam ratio sva-deat & utilitas nostra concedat. Si igitur quis plures ejusmodi possideat unitates, quarum mentionem § I. fecimus, quas consumit singulas, luxu omnino difficit; qui tanto major censemur, quo plures fuerint consum-tæ unitates. Prandiorum igitur luxum agnoscimus, quoties mensæ opiparis onerantur epulis, nec non Falernis difficiunt vinis; quibus non id intendimus, ut laboribus exhaustæ vires reficiantur, quam potius, ut depravato gustui voluptuosam quandam pariamus titillationem. Similiter luxus vestium datur, quories non ad corporis conservationem & justam munditiem illis utimur, sed ad vanam ostentationem, ut amictuum pretiosorum varierate ab aliis distingvamur; tanto nos præstantiores censemus, quanto exquisitor noster fu-erit ornatus. Atque eodem ferme modo luxum tam in supellestili, quam in aliis discernere licet rebus; adeo ut si ad hujus definitionis tenorem magnificen-tiam Crassi cuiusvis æstimes, de luxu ejus nequaquam dubitabis. Valet autem de luxu quod de plantis qui-busdam noxiis observarunt Botanici. Videlicet sicut hæ, quamdiu teneræ sunt, gratum plantarum esculentarum saporem atque usum imitantur, robustiores autem factæ nocivam vim suam statim produnt; ita quoque nascens luxus præclararum virtutum speciem mentitur, siquidem multa partim cum benevolentia, partim etiam cum libera-litate habet communia. Exserat vero hydra hæc Ler-naea

næa sua capita, illius pravitatem statim agnoscere &, nisi mens lœva sit, subdolas ejusdem effugere possumus illecēbras. Addo denique, quod ex nostra etiam definitione facile consequatur, luxum inter homines, cuius demumcunque fuerint ~~colligi queat~~, reperiri posse, nec magis in palatiis, auro & argento distinctis exultare, quam in humilibus hospitari tuguriis. Ad eo venusta enim specie fese generi humano commendat, & tot blanditiis atque lenociniis illud detinet, ut anguem hunc e sinu suo excutere pauci velint, multi nequeant.

condit.

## §. III.

Quod recentiori præsertim ævo multa de moralitate luxus in utramque disputata fuerint partem, qui Politicorum scripta primis tantum, ut dici solet, labiis degustaverit, fugere potest neminem. Plerique etiam in eo conveniunt, quod luxus inter utilissima referendus sit instituta; quippe nitido hoc opulentia & securitatis pullo in exsilio pulso, squalida omnino foret mortalium conditio: singula enim tum desiderarent commoda, quæ gnava industria & artes manuaria abunde jam promunt. Chremetes quidam ingentes quotannis congererent thesauros & obscuris condenserent locis; contra ea reliqui cives gravissimo paupertatis oneri succumberent, omni rerum gerendarum nervo destituti (a). Fuerunt tamen alii, iidemque non

(a) Quamobrem MELON *Libr. cit.* LUXUM vocat L. Objēt de vagues declamations, qui partent moins d'une sai-

non minori ingenii acumine prædicti Politici, qui in contrariam ire sententiam non dubitarunt, quique propteræ in gravem illorum Auctorum, qui luxui patrocinantur, censuram incurrerunt (b). Enimvero si dicendum, quod res est, gravissima hæc controversia in vanam abit logomachiam; cum nec hi adeo rigidi elegantiæ omnis atque ornatus osores sint habendi, ut incultum atque asperum vitæ genus, quale uidi monticolæ (RIM-THUSSAR) elegerunt, generi humano utilissimum judicent; nec illi frivolis quibusvis artibus adeo obstetricari sunt censendi, ut in crepundiis felicitatem civitatis ponant.

## §. IV.

ne connoissance, ou d'une sage sévérité des mœurs, que d'un esprit chagrin & envieux. A quo parum omnino abludit M:r Le Baron BIELFELD dans ses *Institutions Politiques* Tom. I. p. m. 47. Quoiqu' on puisse prêcher, il n'est pas moins vrai, que ce Luxe, si decréié, est la première source de l' opulence de l'Etat, comme nous le démontrerons à l'article du Commerce. Il suffit de l' indiquer simplement ici, comme un des moyens les plus propres à civiliser le peuple, a lui donner du goût & à le rendre laborieux, pour pouvoir satisfaire à son penchant à la somptuosité. Plura in hanc rem ex instituto disputat DAV. HUME Libr. & Tom. cit. pag. m. 28. seq. (b) Sic gravissimus ille Gallorum Lycurgus SYLLU, nec non acutissimus MONTES-QIEU, valde reprehenduntur, quod in civitatem bene constitutam luxum admittere noluerint, nedum promotum voluerint. Vid. HUME Libr. cit. Tom. II. pag. m. 321. nec non BIELFELD Libr. & Tom. citat. p.m. 155

## §. V.

Si per bonos mores quasdam solummodo urbanitatis regulas, quæ partim certis corporis motibus atque gestibus absolvuntur, partim etiam in frivolis disputationibus atque ineptis consistunt argutiis, quemadmodum elegantiarum Magistri iterum iterumque crepare solent, nos intelligeremus; nescio fane, an melior ulla daretur ratio ipsos promovendi, quam quidem per luxum. Nihil scilicet æque tum foret facile, & nihil quod plus adferret jucunditatis, quam hisce inclarescere moribus; ut enim quisque levior esset atque impudentior, eo etiam magis moratus haberetur. Faceant autem vana hæc inanum animorum pabula; procul etiam absit exquisitus ille, sed in fraudem innocentiae non raro effectus conversandi modus; amat enim ardua virtus & gravi comitate sese commendat. Boni igitur mores, qui virtutes etiam a nonnullis appellantur, consistunt in constanti proposito & habitu ea agendi, quæ præceptis Legum tam Divinarum naturam, quam civilium sunt convenientia (a).

## B

## §. VI.

---

(a) Paulo aliter Bonos Mores describit quidam ex Recentioribus,, Qu'est-ce que les Bonnes Mœurs? C'est une conduite réglée sur la connoissance & l'amour de la Vertu. Je dis la connoissance & l'amour. Car faute de connoître la vertu, on n'a que les Mœurs du peuple, & faute de l'aimer, on n'a que les Mœurs des Grands; c'est-à-dire qu'en n'en a point. Il faut la connoître pour l'aimer, & quand l'on aime, on la pratique infailliblement. Voy. *Les Mœurs Disc. Prél. p. m, XVI.*

## S. VI.

Quoniam luxus varia oblectamenta nec non multas delicias corpori in primis exhibit, boni autem mores emendationem mentis requirunt; multi forte erunt, qui admirentur, quid demum commercii inter mores & humores, inter animam & corpus, inter substantiam immateriale & materiale intercedat. Enimvero sicut partes hominis essentiales, quamvis diversissimæ sint naturæ, tamen propter admirandam inter illas societatem & communionem in se agunt; ita quoque nihil omnino impedit, quo minus luxus in virtutes influxum quendam, a nobis jam utcunque evolvendum, habeant. Accepimus equidem a Supremo Numine corporis nostri machinam, præstantem adeo, ut aptus atque concinnus ejusdem mechanismus omnem cogitandi vim nostram longissime superet; attamen sicut quotidianis obnoxia est mutationibus atque jacturis, ita etiam continuam desiderat reparationem, quæ tamen, partibus integris manentibus, facillima est. Venter enim, acceptis iudeolis cibis hoc opus strenue, &, nobis saepe non animadvententibus, facile peragit. Epulæ autem & potulenta, quæ nostræ adeo & sustentationi & conservationi inserviunt, si nimis abunde ingurgitantur, destructionem corporis nostri nonnunquam moliuntur, saepius vero debilitationem ei accelerant. Stomachus enim, fortissimus ille digestor, alimentorum diversissimorum non tam naturalium, quam sollicita arte paratorum copia obrutus, suo am-

amplius muneri rite vel non vacat, quo quidem casu sicut indigesta relinquit multa, ita nimiam corpori inducit macilentiam, vel etiam si adsumtas concoquere valeat dapes, adeo crassum atque obesum redditur corpus, ut justam desideret agilitatem. Idem enim hic fere contingit, quod plantis, pingvi humo satis, accidere non raro observamus, siquidem nimia succi copia efficit, ut ipsæ interdum ad debitam non perveniant maturitatem, interdum vero monstrosæ evadant. Si porro corpus gracile nimis & pæne junceum fuerit, ineptum plane est, quod laboribus quibuscumque & molestiis, quæ nostram comitantur sortem, ferendis sufficiat; quo facto, animus etiam, suo velut fulcro destitutus, indies magis magisque languescit, & tandem veterus ita omnes corporis partes occupat, ut resurgere atque ad industriam sese accingere negligat: immo morbum tandem suum amet homo, eique immori cupiat. Quanrobrem etiam imbellis hæc turba omissioni tantum malarum actionum, quippe quæ genio ipsius maxime convenit, intenta, bonos mores & aliam virtutem, quæ aliorum promovere commoda studet, nec difficultatem in difficulatum molibus sentit, parum curat. Atque idem quoque de illis sentiendum, qui continuo luxu nimiam contraxerunt obesitatem, scilicet partim virium defectus, partim etiam nimia in his materiæ moles efficit, ut nec corpori justa agilitas, nec animo vigor, qui tantopere commendat, constet; quibus fit, ut vitæ ipsorum ratio pingue, nescio quid, sed bonis

moribus minus congruum, vulgo sapiat<sup>(a)</sup>). Hinc longe lateque serpit luxus malum, nec nobis solum impedimento est in egregiarum actionum exercitio, sed insuper bonos mores non potest non corrumpere. Etenim dum alimenta exquisitissimis, qualia luxus postulat, condimentis referta affatim quotidie sumuntur, nimius, cum in sanguine, tum etiam in ceteris fluidis partibus oritur motus, qui affectus quoslibet, dum serviant utilissimos, pessimos autem & noxios admodum, ubi dominari inceperint, iterum iterumque vellicat & excitat, ut jugum rationis excutere incipient, animæ & corporis facultates quasi sufflaminent, novum atque naturæ ignotum habitum inducant, hominemque ita afficiant, ut in devia quævis ipsum præcipitem trahant<sup>(b)</sup>. Cetera luxus instrumenta, extra hominem posita, non quidem adeo intime bonam corrumpunt indolem, ac ea, quæ ad cibi potus-

que

(a) Optime igitur SALLUSTIUS de *Bello Jugurib.* Cap. 2. Qui dediti corporis gaudiis per luxum atque ignorantiam vitam agunt, ingenium, quo neque melius amplius aliud in natura mortalium est, inculta atque socordia torpescere sinunt. A quo parum ab ludit CLAUDIANUS Libr. III. *De Raptu Proserpinæ*

*Humanas oblitæ copia mentes.*

(b) Quocirca adpositæ monet CICERO Libr. I. *De Offic. Cap. XXIX.* Nam qui appetitus longius evagantur, [Quis autem per luxum effrenis factis modum aut metam statuere potest?] relinquunt & abjiciunt obedientiam, nec rationi parent, cui sunt subjecti lege naturæ, a quibus non modo animi perturbantur, sed etiam corpora,

que delicias pertinent, in qualitatem tamen morum haud exiguum momenti trahunt. Ut enim alia reticeam, nec enim singula ad vivum refecare instituti permittit ratio, tabulæ illæ, in quibus felicia Veneris atque Cupidinis stratagemata nitidis coloribus ingeniosa pictorum solertia expressit, & quas inter certissima exquisiti gustus indicia referunt mortales, luxui devoti, fortissima vividæ imaginationi ad quævis mala præbent incentiva, atque philtro quovis fortius juventutem in primis commovent & ad prava sollicitant (c). Quare etiam gravitas Romana nullas facile tulit tabulas (d); quod tamen omnis elegantiæ, qua modo decori regulæ non migrantur, odium haud esse admittendum, ipsa quemlibet ratio affatim docet.

## §. VII.

Ut plenius adhuc constet, quantum per ingra-

vescentem luxum boni corrumpantur mores, paucis

B 3

osten-

(c) Hinc PROPERTIUS Libr. II. Elog. 6. " " "

*Quæ manus obscenæ depinxit prima mbellas,*

*Et posuit casta turpia visa domo:*

*Mita puellarum ingenuos corrupit ocellos,*

*Nequit ilaeque suæ notuit esse rudes.*

(d) De tabulis igitur & statuis, quas, expugnatis Syracusis, domum retulerat MARCELLUS, ita censet LIVIUS Histor. Libr. XXV. n. 40. Hostium quidem illa spolia, & parta jure belli; ceterum inde primum mirandi Græcarum artium opera, licentiæque huic sacra profanaque omnia vulgo spoliandi, factum est,

ostendere licet, quam multa vitia ex Sybaritica vendi ratione, non aliter ac infelix lolium pinguis  
 s̄æpe dominatur fulcīs, propullent & nimis  
 increscant. Sicut igitur luxus mentis aciem, ceu  
 modo vidimus, perstringit; ita quoque omnem ob-  
 scurat solertiam, ut neque altum quidquam neque  
 magnificum suscipiant, qui voluptatibus indulgent.  
 Ita sapiens censuit antiquitas, &c, quod recte judi-  
 caverit, multiplex satis nos docet experientia. Con-  
 sideres enim, quæso, artifices, etiam illos, quorum  
 industria ex luxu suum habet & succum & nutri-  
 mentum, atque facilis, ut spero, fateberis, quod quam-  
 diu luxus in prima velut herba fuit, eorum offi-  
 cinæ egregie sudaverint, atque nitida quotannis pro-  
 truerint pensa; at ubi luxus ad summum fastigium  
 adscendit & alumni ejus ad magnam pervenerunt  
 opulentiam, conditio hæc ipsis fordere incepit, quare  
 almas nutrices suas vel segniss curarunt vel plane de-  
 seruerunt. Porro ut varium est luxui devotorum in-  
 genium; ita singulis diebus novas voluptates atque no-  
 va voluptatum pabula querunt, novasque meditan-  
 tur commoditates. Nunquam enim copiam satietas  
 sequitur; crescit indies sacra elegantiæ fames, &  
 parandi rabiem parta irritant. Quemadmodum æ-  
 grorum sitim potus accendit, atque ignis arentibus  
 non obruitur, sed augetur; ita etiam coacta luxus  
 instrumenta aviditatem jejunæ mentis acuunt. Tan-  
 tis autem sumtibus faciendis cum mediocres mini-  
 me sufficient reditus, necesse est, ut pecunia, qua-  
 demum cunque ratione, modo ne titulus desit, cor-  
 rada-

radatur. En primogenitam luxus filiam, Avaritiam (a). Fata reipublicæ Romanæ, ut lucem dictis fœneremur, per transennam solum expendamus. Quis, quælo, ignorat, quod dum mediocri sua sorte contenti essent Quirites, Roma magnarum virtutum palaestra sit habita; at ubi fatalis increverat luxus (b), & divitiarum cupiditatem introduxerat, gurges quidam flagitiorum existiterit (c)? Decoctis enim amplissimis patrimoniis Equites Romani, quidquid luxus detraxerat atque consumserat, nefariis artibus & sangvinolentis centesimis reficere conabantur. Hinc gravissimæ & frequentissimæ tam Tribunorum, quam etiam plebis querelæ, quas haud absurde quisquam dixit urbis Romanæ fatales nænias. Plura in hanc rem exempla nobis suppeditat Historia Romana, quæ tamen sicco præterimus pede, ne antiqua tantum vulnera refricare videamur.

## §. VIII.

Quo magis hæc ruminor, eo clarius deprehendo, quod per luxum semina virtutum ex animis mortalium eradicentur. Vidimus enim modo, quod, gliscente luxu, plurima desiderent homines, qui moribus

(a) Delectant magnifici apparatus vitaque cultus cum elegantia & copia, quibus rebus effectum est, ut infinita pecuniae cupiditas esset, cœt egregie monet CICERO Libr. I. de Offic. Cap. VII.

(b) Quare etjam JUVENALIS

Saevior armis  
Luxuria incubuit, vittumque ulciscitur orbem,

(c) Vid. AUGUSTIN. de Civit. DEI Libr. I. Cap. IX.

bus cives, cujus demum cunque conditionis fuerint, afficere solet, adeo ut publicam magnificentiam pri-  
vata sequatur luxuria (a). Dum vero merces an-  
xie quæruntur, pretia earum non possunt non in-  
tendi quam maxime. Introductis autem imperiis,  
ipsa sanxit æquitas, ut certa stipendia honores co-  
mitarentur, quæ munerum dignitati ita solent esse  
proportionata, ut, rationibus Oeconomicis rite sub-  
ductis, necessariis utcunque sufficienti usibus. Hæc  
eadem fere manent, quamvis & luxus & rerum,  
quibus ille constat, pretia quotannis increscant. Re-  
bus autem ita constitutis, Pamphilus, qui pro di-  
gnitate vivere cupit, ne in aliorum censuram, for-  
te etiam contumeliam incurrat, nitidam sibi com-  
parare domum cogitur, quam pretiosissimis & ta-  
men, ut perversus seculi genius postulat, necessa-  
riis exornat utensilibus, ut ceteros apparatus sicco  
prætereamus pede. Cum vero tantis impensis fa-  
ciendis, quod ad decimam partem Pamphili non  
sufficient redditus, rerum gerendarum nervum quo  
demum cunque modo comparare nititur. Vix igi-  
tur ulla officia, præsertim ea, quæ ad jus pertinent  
imperfectum, quæque late admodum patent, sine  
numerata pecunia aliis præstat (b). Cardinalia i-  
gitur in vita communi Pamphilus & ejus amici hæc  
putant principia: *Quisque suis invigilet commodis,*  
*quem-*

(a) Confr. VELL. PATERC. Libr. II. n. 1. item SAL-  
LUST. in Bello Catilin. (b) In civitates igitur, luxum foventes,  
optime quadrat illud Horatianum Libr. I. Sat. III. v. 97.

*Atque ipsa utilitas justi prope mater & aequi.*

*quemadmodum ipse meis.* Item: *Nibil a te peto sine numerata pecunia, idem quoque tu facias.* Enimvero sic aurei inolescunt mores; vera autem virtus, quæ cunctis prodesse liberaliter studet, præmia vero nec exspectat, nec desiderat, in affluentι rerum omnium copia turpiter tabescit & ubique fere alget. Quid? quod infrequens non sit, ut homo paulo erectioris indolis, cui hamus non semper pendet, vel minus industrius vel rerum suarum plane negligens a ceteris habeatur. Atque hi ipsi moleste seduli censores Victori Salaminio valde sunt dissimiles, qui cuidam spolia corradenti graviter respondit: *Capias illa; non enim es Themistocles* (c).

## §. IX.

Producit insuper luxus alias sive furias sive filias, primogenita illa, cujus mentionem nuper fecimus, nihil pulchriores, quas inter torvo vultu eminent audacia atque injustitia, hujusque pedisequa, injuria (a). Ubi enim luxus invaluit, non aliis rebus tantum, quantum divitiis statuitur pretium;

C quis-

---

Multa etiam experientia edocet monuit gravissimos Plato: In quounque hominum coetu nec inopia nec divitiae, huic justissimi aderunt mores, neque ibi contumelia, neque injuria locum habent, vid. *Liber III. de Legibus*. (c) Plura occurunt in *Orat. Cl. PRÆSIDIS de præcipuis corruptorum morum causis*.

(a) In urbe luxuries creatur, ex luxuria existat avaritia necesse est, ex avaritia erumpat audacia; inde omnia scelerā & flagitia gignuntur, vid. CICERON, in *Orat. pro Roscio Amerino Cap. XXVII.* (b) Graviter igitur de Romanis SALLUSTIUS in fragment, conqueritur: *Boni & mali*

quisque enim tanto melior atque præstantior censetur, quo ampliores possederit opes (*b*). Continuum innocentiae atque integritatis studium vanum putatur nomen atque lubricum præsidium, si in contentionem veniat cum gravissimis, non quidem ex ratione & æquitate, sed ex distenta crumena desuntis argumentis. Quocirca dum Colchos & aurea vellera quisque sibi Jason spondet, singulos, qui moras sibi nestant, opprimere non dubitat. Ne autem vanam hanc esse querelam, quispiam existimet, exempla ruminetur, quorum cum reliqua Historia, tum præcipue Romana est feracissima. Dum enim Roma delicias tam Asiaticas quam Africanas ignoravit, propter æquitatem & justitiam adeo inter omnes eminuit, ut orbis terræ patrocinium verius, quam imperium haberetur (*c*). Paulo post autem ita per luxum degeneravit, ut justitiam quoque in quæstu habuerint Quirites (*d*). Vitia hæc, quæ modo memoravimus, presse sequitur ambitio & supra alios eminendi studium. Ponamus enim, quempiam inferioris fortis virum, opibus abundantem, nitidam domum pretiosissima instruere atque ornare supellectile, adeo ut luxus instrumenta in tectis, parietibus, mensis, pavimentis, aliisque rebus conspiciantur luculentissima; profecto dum seipsum contem-

---

cives appellati non ob merita in rem publicam, omnibus pariter corruptis, sed ut quisque locupletissimus & injuria validior, qui præsentia defendebat, pro bono ducebatur.

(*c*) Vid. CICERON. Libr. I. de Offic. Cap. VIII. (*d*) Vid. FLORI Histor. Roman. Libr. III. Cap. XII. n. 9.

templatur, intonsasque majorum imagines recordatur, nisi obesæ admodum fuerit naris, statim animadvertiset, quam parum hæc suæ convenienter conditioni, & quod singuli, qui magnificentiam ædium admirantur, obscuritatem possessoris tacite saltem culpent. Non potest non ægro hæc ferre animo, quare majora spirare incipit, atque quod generi, ingenio atque consilio plerumque deest, amplio titulo, qui prolixa portendit merita, compensare nititur. Unde porro consequitur, quod, ingravescientibus Juxu & ambitione, omnium conditionum vitæ rationes immane quantum confundantur. Denique licet seculum, luxui devotum, propter molles mores, aut, si mavis, humanitatem (e) admodum commendetur, docet tamen experientia, quod sub prolixa illa urbanitatis larva, superbia iterum iterumque gliccat, immo quod ista civilitatis ratione animum, lucro jugiter intentum, multi prodant, quod de Chinensibus nec non aliis populis pridem observarunt Politici. Taceo cetera vitia his cognata, quæ per luxum longa serie introducuntur; si enim præcipua leviter tantum perstringerem, vereor, ne in magnum volumen ex crescere tirocinium hocce Academicum; facile autem patet, quod, modo nominatis mentem obsidentibus, nullus in eam virtuti patet aditus.

---

(e) Hinc TACITUS in *Vita Agric.* Cap. XXI. Paulatim discensus ad delinimenta vitiorum, balnea & conviviorum elegantiam, idque apud imperitos *Humanitas* vocatur.

## §. X.

Ad alia nunc pergimus instituta, quæ partim  
Summi Numinis in nos benevolentiae, partim etiam magnorum Principum aliorumque Heroum cu-  
ris suam debent originem, quæque per se ad emendationem ferocitatis naturalis & bonorum mo-  
rum culturam adprime conducunt, sed per intro-  
ductum luxum immane quantum corrumpuntur.  
Inter hæc non ultimo loco nominanda est proba  
liberorum educatio, quam propylæum felicis ac  
tranquillæ vitæ non immerito quis dixerit. Maxi-  
mi autem refert, ut liberi a teneris inde ungvi-  
culis bonis imbuantur moribus, & propter digni-  
tatem, generi nostro propriam (a), commenden-  
tur, Sicut enim sapor, quo nova imbuntur va-  
fa, diu durat, atque lanarum colores, quibus sim-  
plex ille candor mutatus est, ægre elui possunt;  
ita quoque præceptorum nec non consuetudinum,  
quas rudibus adhuc annis perceperimus, tenacissimi  
esse solemus. Quocirca magni etiam Principes in  
justa civium tenellorum educatione suas posuerunt  
& curas & delicias; in id intenti, ut animi disci-  
plinis, non frivolis illis & quibus nihil solidi sub-  
effet, sed quæ vitæ innocentis optima præberent incitamenta, mature imbuerentur, atque corpora si-  
mul variis exercitiis ita firmarentur, ut laboribus,  
cum necessitas ita postularet, exantlandis haud es-  
sent imparia. Enimvero si per civitatem invalescat  
Iu-

---

(a) Vid. Libr. I, CICERON, de Offic. Cap. XXX.

luxus, ab ipsis inde cunis ita corrumpuntur infantes, ut nihil egregii præstare queant, parentesque, qui nunquam tenera satis, ut quidem opinantur, follicitudine delicatulam prolem amplecti possunt, atque ita simiarum imitantur oscula, prolixa indulgentia hoc tantum obtinent, ut præclara instituta vim suam penitus amittant. Si de veritate sententiæ nostræ dubites, ingrediaris domum, luxus celebrem, videbis fenestras atque mensas lagenis, variis medicamentorum generibus repletis, stipatas, quæ vagientibus ingeruntur, quoties signa quædam doloris produnt. Crescentibus postmodum, quantum perversa hæc vitæ ratio permittat, viribus, non solum a gravioribus sollicite arcentur laboribus, verum etiam a singulis exercitiis, quibus fatigari possent. Immo antequam liberiori se exponere possunt auræ, plura quærunt præsidia, quam solertissimus dux contra imminentes hostes pugnaturus. Quamobrem etiam pallidi & graciles evadunt, ad quemvis horrent fusurrum, nec ultra animo alacritas, nec ullus corpori vigor inest. Sic corporis negligitur cultura. Nec tamen credendum, quod quantum eidem subtrahitur, tantum animo poliendo impendatur. Proponuntur enim his albæ gallinæ filiis disciplinæ, non quæ profunda sunt, adeoque molestiis involutæ, sed quæ obiectamenta tantum pariunt: ceteras illis relinquunt excolendas, quibus dotes suas parcius indulxit fortuna. Profecto non aliunde, quam ex hoc fonte promanant nimia illa morum corruptio & exitio-

sa licentia in opulentis civitatibus nullo non tempore obvia, non aliunde quorumlibet vitiorum sentina, quæ non irrepunt solum, sed magna vi & conferto velut agmine in respuplicas passim irrumunt(b). Si quem vero allata minus commoveant argumenta, propterea quod unum alterumve forte exemplum in contrariam adferre queat partem, ille antiquas consideret respuplicas, quæ propter bonam liberorum institutionem præclarasque virtutes maxime celebrantur, atque haud invitus fatebitur, quod luxus pessimum fuerit venenum, quo & disciplina & boni mores in illis sensim sint corrupti. Percurras annales vetustissimorum populorum & vix ullam deprehendes gentem, quæ bonis moribus majorem impendit operam, meliorique gavisa est educatione, quam antiquissimi Persæ; apud quos juventus in publicis palæstris eadem cura in virtutibus erudiebatur, quemadmodum apud nos in scientiis. Totum autem educationis systema cardinali hocce principio nitebatur: *Luxum fuge.* Quocirea etiam CYRUS, nondum ephebus, apud avum ASTYAGEM videns mensas, Medicorum more, epulis atque vinis lautissimis oneratas, ægre tantam tulit magnificentiam, graviter significans, pane, aqua & nasturtio æque saturari homini-

---

(b) Optime igitur Romanus ille Sapiens: Nihil magis facit iracundos, quam educatio mollis & blanda; ideo unicis, quo plus indulgetur, pupillisque, quo plus licet, eo corruptior est animus. Non resistet offensis, cui nihil unquam negatum est, cui lacrimas sollicita semper abstersit mater.

minem, naturæ convenienter viventem (*c*). Læta autem hæc tempora, quibus paria postmodum non viderunt Persæ, perquam cito sunt elapsa, & quod sub CYRO ad summum & potentia & gloriae fastigium pervenerat imperium, introducto in familiam ejus, ipso tamen inscio, luxu (*d*), neglectaque sic avita disciplina, sensim sensimque fatiscere cœpit. Crevit sequenti tempore dulce hocce malum, omniumque Persarum præcordia ita occupavit, ut pristinæ educationis vix umbra quædam, Dario Codomanno ad imperii gubernacula sedente, superesset. Denique nemo facile negabit, quin Romani, dum paupertati & parsimoniæ suus fuit honos, bona gavisi sint educatione, quodq; Censorum auctoritas ipsam diu servaverit. Majoritamen orbis parte subacta, nec non introducta secta Epicurea (*e*), luxu corrupta fuit hæc civitas; quo facto, nullum fere vitii genus fuit, cui ateneris sese non manciparunt Romani. Atque ut paucis multa complectar: pri-  
scæ sanctitas gravissimum sic accepit vulnus, Ro-  
manusque vigor in theatris evanuit, emarcuit in  
Luculli villis & hortis, suffocatus est Messalæ pi-  
scinis atque in popinis, pudet dicere! fuit  
extinctus.

(*c*) Vide omnino Xenophontem *citat.* à ROLLINO dans son *Traité des Etudes* Tom. I. p. m. LXXV. (*d*) Vid. ROL-  
LIN. *Libr. cit.* Tom. IV. p. m. 205. (*e*) Cum CYNEAS ad mensam Pyrrhi de secta Epicurea multis disseruerat, FA-  
BRICIUS: *Vellem*, inquit, *omnes Romani nominis hostes his Prin-  
cipiis effent imbuti*, vid. PLUTARCH. in Pyrrho. Quod au-  
tem successu caruerit votum ejus, sequentis ævi Historia  
affatim docet.



Pereximic atque Eruditissime DOMINE,

**A**udio Te, Eruditissime Domine, rostra Academica propediem consensurum, atque dissertationem, quæ multam certe olet lucernam, a Te conscriptam defensurum. Ingatus fane forem, si occasionem hanc, tanto-pere expetitam, temere prætermitterem, nec meæ in TE pietatis atque observantiæ quod-dam relinquerem testimonium. Gratulor igitur Tibi eximias ingenii dotes, quibus suffultus egregios in variis disciplinis fecisti progressus. Gratulor etjam jucundam virtutum possessionem, quibus omnium amorem Tibi devincire soles. Ex toto denique pectore opto voveoque, velit Supremus rerum Moderator, adversa, cum quibus hactenus colluctatus es, fata in mitiora lætioraque convertere, ut fortunam, honestissimis Tuis studiis faventem, semper experiaris!

Tuus ex affe  
HENR. GABR. BOISMAN.